



WIINDAMAAGEWIN OWI GIIZHIKIGAADEG MINWAAMJIGAADEG MIINWAA GAGWEDWEWIN ZHICHGEWIN

Agii azhaa ana Anishinaabe Maamwidaang enji Gikinomaadiiwiigwaam aawiyin e'skoniwid epiichi giizhigag gaawii dash awiigwa agii nibaasii zhiwe gabedibig?

MAAGE

Gdo gitiziim ana agii zhaa odi Anishinaabe Maamwidaang enji Gikinomaadiiwiigwaam aawid e'skoniwid epiichi giizhigag gaawii dash awiigwa agii nibaasii zhiwe gabedibig?

MAAGE

Gadaaw ana dibiniweziwin bemiikang, nyaagdownenjiged, e'penimandwing maage nendodaawed dibendaasowin maaage megsenjiged owa gwaya agaa zhaad Anishinaabe Maamwidaang enji Gikinomaadiiwiigwaam aawid eskoniwid epiichi giizhigag gaawii dash agii nibaasii zhiwe gabedibig, agaa nibod Zagibagaa-giizis 30, 2005 maage baamaapii.

Giishpin Enh, maanda wiindamaagewin giin onji aawan. Maanda bagidinigaade owa Gichi Gimaa Dibaakinige Gamig. Weweni agindan zaam madookdaagemigad gdo onashowe dibiniweziwinan.

WEGNESH MAANDA WIINDAMAAGEWIN YAAWONG?

Temgad owi giizhaakinigewin owi maamowi yaang zhichigewin owi *Gottfriedson v. Gichitwaa Gimaakwe owi onji Gaanada* (Federal Court File No. T-1542-12) owi onji gagwedwewinan gewe Gabe Giizhig Gikinomaagaazijig (“Agaa Zhaabshkaajig Maamowi Yaang”) miinwaa ado binoojiinmiwaan (owi “Niijaansiwaan Maamowi Yaang”). Gabe Giizhig Gikinomaagaazijig aawiwog agaa skoniwijig agaa zhaawaad Anishinaabe Maamwidaang enji Gikinomaadiiwiigwaam (“IRS”) epiichi giizhigag miinwaa gaawii dash agii nibaasiwog zhiwe gabedibig. Gichi Gimaa Dibaakinige Gamig debaakiniged agii minwaabmdaan owi giizhiikigaadeg bezhigwendamowin Waababaagaa-Giizis 24, 2021 miinwaa owi bezhigwendamowin nongo bikobinigemigad kina Zhaabshkaajig Maamowi Yaang miinwaa Niijaansiwaan Maamowi Yaang Waajii-ejig gaawii agaa zagijibiwidiziwaad.

Owi enaakinigaadeg giizhiikigaadeg dibamaadiwin dogosinon bimataagewinan gewe niish Zhaabshkaajig Maamowi Yaang miinwaa Niijaansiwaan Maamowi Yaang:

- **\$10,000 Gabe Giizhig Gikinomaagaazijig Dibagesemigag Dibamaadiwin:** Ensa bezhig Gabe Giizhig Gikinomaagaazad agaa zhaad Anishinaabe Maamwidaang enji Gikinomaadiiwiigwaam epiichi giizhigag goweta (dash gaawii agii nibaasii zhiwe gabedibig) miigse awii gagwedwewaad owi \$10,000 Gabe Giizhig Gikinomaagaazijig Dibagesemigag Dibamaadiwin. Zhibiigaadenon IRSan agaa yaawaa-aad maage gnimaa agaa yaawaa-aad Gabe Giizhig Gikinomaagaazijig adaa makigaade ekwaawiing maanda Wiindamaagewin, maage waasamo-asabi mazina-igan odi <https://www.justicefordayscholars.com/schools-lists/>. Newen owa Gabe Giizhig Gikinomaagaazad agaa nibod Zagibagaa-giizis 30,2005, maage shkwaa maanda giizhigag, owa agaa nibod Gabe Giizhig Gikinomaagaazad dibendaasowinan nyaagdownendamajig

maage mensenjigejig ada gashkitonaa-aa awii gagwedwewaad owi Gabe Giizhig Gikinomaagaazijig Dibagesemigag Dibamaadiwin.

- **\$50 million owi onji Gabe Giizhig Gikinomaagaazijig Aanjimaajigiwin Zhoonyaa:** Gaanada adaa dibage \$50 million odi Gaabe Giizhig Gikinomaagaazijig Aanjimaajigiwin Zhoonyaa awii nikaazang awii aasgaabiwichigaadeg nojimowin, mina yaawin, gikinomaadiwin, iniwewin, inaadiziwin, ondiziwin, miinwaa minadenjigewin owi bamitaagewin gewe agaa Zhaabshkaajig miinwaa Niijaansiwaan Maamowi Yaawinan. Owi zhoonyaa ada bamiikigaade owi gaawii e'zhooniyaakesig wiji-ewin.

Owi enaakinigaadeg giizhiikigaadeg dibamaadiwin gaawii digoyaasiwog owi Shkonigan Wiji-ewin. Gaawii gego zhiwe enaakinigaadeg giizhiikigaadeg dibamaadiwin gaawii madookdaagemigasno newen gagwedwewinan owi Shkonigan Wiji-ewin, owi ana aabajisemigadon odi enji dibaaknigeng.

Owi Gagwedwewin Zhichigewin owi Gabe Giizhig Gikinomaagaazad Dibagesemigag Dibamaadiwin ada nisaakising Manidoo-giizis 4, 2022. Owi ekwaasemigag awii gagwedwewin owi \$10,000 Gabe Giizhig Gikinomaagaazad Dibagesemigag Dibamaadiwin aawan Binaakwe-giizis 4, 2023.

Maanda wiindamaagewin miigwemigad miziwe biigan owi agaa minwaabmjigaadeg giizhiikigaadeg dibamaadiwin, owi gagwedwewin zhichigewin, zhichigewinan gewe maamowi yaang waajii ejig aabdeg awaa zhichigewaad awii debinamwaad giizhiikigaadeg dibamaadiwin, miinwaa agezhi debinaman aanke gikendamowin.

MAANDA WINDAMAAGEWIN DIGOSIN

SHKWE-AANG GIKENDAMOWIN.....	4
1. Wegnesh owi maamowi-yaang zhichigewin?	4
2. Wegnesh maanda maamowi yaang dikonigewin yaawong?	4
3. Wegnesh maanda maamowi yaang dikonigewin yaawizinag?	5
OWI GIIZHIKIGEWIN	7
4. Wegnesh maanda Giizhiikigewin?.....	7
ZHITOONG GAGWEDWEWIN.....	9
5. Aaniish gewe Agaa Zhaabshkaajig Maamowi Yaang Waajii-ejig agezhi gagwedwewaad Gabe Giizhig Gikonmaagaazijig Dibagesemigag Dibamaadiwin?.....	9
6. Gagwedwewin ana adaa zhichigaadeg owa onji agaa nibod Agaa Zhaabshkaajig Maamowi Yaang Waajii-ed?.....	11
DIBIZHIGAADEG MIINWAA DIBAAKINIGAADEG GAGWEDWEWINAN	12
7. Wegnesh owa e'giizhendang endagwen ayaama debwemigag gagwedwewin?	12
8. Aaniish newen gagwedwewinan agezhi dabizhigaadeg?	12

GAGWEDWEWINAN? Giigidan 1-888-222-6845 (wepash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

9. Aaniish giishpin ndo gagwedwewin aanwaamjigaadeg/bagijiwebinigaadeg?	13
GIIGIDONINWOG MAANDA DIBAAKNIGEWIN	14
10. Wenesh gewe giigidoninwog gewe Maamowi Yaang Waajii-ejig.....	14
11. Aaniish agezhi dibamaagaaziwaad giigidoninwog?	15
WOSHME DEBINAMAN GIKENDAMOWIN	15
12. Aaniish agezhi debinamaa woshme gikendamowin owi Maamowi Yaang Dikonigewin maage owi Giizhiikigaadeg?	15

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

SHKWE-AANG GIKENDAMOWIN

1. Wegnesh owi maamowi-yaang zhichigewin?

Owi maamowi yaang dikonigewin aawan dikonigewin digoyaawaad gmaaminig bemaadizijig kina naasaab ayaamijig onashowe gagwedwewinan. Amiidadash meshkwod ensa bezhig bemaadizid biidood bkaan dikonigewin, owi maamowi yaang aawan bezhig dikonigewin gewe kina bemaadizijig. Maanda okinog azhinkaadeg “mamowi-yaajig” miinwaa waajii-ejig owi okinog zhinkaaziwon “maamowi-yaang waajii-ejig”.

Aanin gewe maamowi-yaang waajii-ejig digoyaawog owi maamowi yaang zhichigewin miinwaa naabshkowaa-aan owi miziwe waajii-ejig. Ado zhiwebiziwiniwaa nikaazam aawang gikinwaajimowinan awii naadmaagwod ow dibaakinigenini nisastang owi dikaaknigewin. Gwanda maamowi yaang waajii-ejig zhinkaaziwog “Naabshkaagejig E’tikonigejig”.

2. Wegnesh maanda maamowi yaang dikonigewin yaawong?

Maanda maamowi yaang dikonigewin zhinkaade *Gottfriedson v. Canada* miinwaa owi Gichi Gimaa Dibaakinige Gamig zigakbiigewin gindaasowin aawan T-1542-12. Owi Dibaakinige Gamig agii “debwebii-aan” maanda maamowi yaang dikonigewin Odemin-giizis 2015, adamomigad agii miinwaabmdang owi dikonigewin awii ani maajitaamigag aawong maamowi yang dikonigewin.

Debwebiigaadeg owi maamowi yaang dikonigewin aawan enaagijigaadeg zhichigewin maagwemigag owi nankiiwin awii maajiidowaad gewe genoodamowaajig gewe e’dikonigejig newen maamowi yaang nendowendamowaad awii naabshkowaa-aad. Owi apii dibaakinige gamig debwebii-ang owi maamowi yang dikonigewin gaawii gwaa memkaach zhitosiinan makigewinan endagwen newen ekidowaad genodamowaajig gewe e’dikonigejig zhiwe dikonigewin onashiwewin maage debwemigag ekidowaad.

Nisiwe temigadon dnowaa maamowi yaang dikonigewin agaa debwebiigaadeg owa Dibaaknige Gamig maanda maamowi yaang dikonigewin:

- **Agaa Zhaabshkaajig** – kina Giizhaa Agaa Yaajig Bemaadizijig agaa zhaawaad odi IRS aawiwaad eskoniwijig dash wiigwa gaawii agaa nibaasiwaad zhiwe gabedibig, manjigwa apii 1920 apiinish 1997. Gewe naabshkaagejig e’dikonigejig gewe agaa Zhaabshkaajig Waajii-ejig aawiwog Charlotte Gilbert, Diena Jules, Darlene Bulpit, miinwaa Daphne Paul.
- **Niijaansiwaan** – gewe agaa giigishkiwaad, inaakinigaadeg daapinaawaad maage inaadiziwin daapinaawaad binoojiinig gewe agaa zhaabshkaajig. Gewe naabshkaagejig e’dikonigejig gewe Niijaansiwaan Waajii-ejig aawiwog Amanda Big Sorrel Horse miinwaa Rita Poulsen.
- **Shkoniganan** – Woshme 100 shkoniganan agii yaanaa-aan IRS zhiwe ado kiimiwaan maage eyaawaa-aad/agaa yaawaa-aad waajii-ejig yaawiwaad/maage agaa yaawiwaad Agaa Zhaabshkaajig, miinwaa agaa dowendamowaad awii yaawaad zhiwe Maamowi

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

Yaang dikonigewin. Gewe genodamaagijig dekonigejig owi Shkonigan Maamowi Yaang Waajii-ejig aawiwog Tk'emlúps te Secwépemc Anishinaabek miinwaa Sechelt Anishinaabek (Sháshíshál Nation).

Aanii agaa skonwijig odi IRS agii aawiwog “endinizijig”, edamomomigag agii yaawog zhiwe IRSan gabedibig. Gewe e'skonwijig agaa zhaawaad IRSan gikinomaagaazijig epiichi giizhigag goweta dash wiigwa gaawii agii yaasiwog gabedibig zhinkaaziwog “Gabe Giizhig Gikinomaagaazijig”. Gwanda Gabe Giizhig Gikinomaagaazijig aawiwog owi Agaa Zhaabshkaajig Maamowi Yaang zhiwe maanda Maamowi Yaang Dikonigejig.

Owi naanaagwiwiing aagonetaagewin agaa biidowaad gewe genodamaagejig e'dikonigejig aawan owi enji aawang, bimibidechigaadeg miinwaa niigaanziitamowin newen IRSan, owi Gaanada maage onji Gaanada, agii binaajitonaa-aan Maamowi Yaang Waajii-ejig dinwewiniwaa miinwaa inaadiziwiniwaa, biigonigaadenon ado inaadiziwin miinwaa iniwewiniwaa dibiniweziwiniwaa, miinwaa inendamowin agii maanzhi doodaagaade.

Owi Maamowi Yaang Dikonigewin agii gagwedwena-aa dibagesemigag dibamaadiwin gewe Agaa Zhaabshkaajig agaa kidiwaad agii maanzhi doodaagaaziwog owi onji agii zhaawaad odi IRSan aawiwaad Gabe Giizhig Gikinomaagaazijig. Owi maamowi yaang dikonigewin age gagwedwena-aa dibagesemigag dibamaadiwin gewe Niijaansiwaan miinwaa Shkoniganan e'kidowaad gewiinwaa agii maanzhi doodaagaaziwog owi onji gewe agaa Zhaabshkaajig agii zhaawaad aawiwaad Gabe Giizhig Gikinomaagaazijig odi IRSan miinwaa IRS naaknigewin.

3. Wegnesh maanda maamowi yaang dikonigewin yaawizinag?

Agaa Daajig odi Anishinaabek Maamwidaang enji Gikinomaadiwiigwaaman

Owi maamowi yaang dikonigewin gaawii aawizino gewe bemaadizijig agaa aawijig goweta agaa yaajig IRSan aawiwaad agaa daajig zhiwe. Ninda gagwedwewinan zhaazhigwa agii giizhiikigaadenon zhiwe owi Anishinaabek Maamwidaang enji Gikinomaadiwiigwaaman Giizhiikigaadeg Bezhiwendamowin (“IRSSA”), agaa digosing Gagwech agaa Zhiwebiziwaad Dibagewin (“CEP”).

Maanzhi Doodamowin e'nowendaagwog Wiyaw miinwaa Gopajichigewin

Maanda maamowi yaang Dikonigewin age gaawii aawizino newen maanzhi doodamowinan e'nowendaagwog gopajichigewin maage memaanji maanzhi doodamowin wi yaw agaa wisgikaagiwaad eshkoniwijig odi IRSan. Gabe Giizhig Gikinomaagaazijig agaa Zhaabshkaajig agii miigsewog awii biidowaad gagwedwewinan owi nikiiyaa Debendizad Dabizhigan Zhichigewin (“IAP”) owi IRSSA owi gopajichigewin maage memaanji maanzhi doodamowin wi yaw agaa wisgikaagiwaad epiichi zhaawaad IRSan aawiwaad Gabe Giizhig Gikonamaagazijig.

Gichi Gimaa Anishinaabe Gabe Giizhig Gikino Amaadiwiigwaam

Maanda Maamowi Yaajig dikonigewin gaawii aawizinon newen Gichi Gimaa Anishinaabe Gabe Giizhig Gikino Amaadiwiigwaaman. Gagwedwewinan e'nowendaagwog newen maanzhidodamowinan nibaawitaamowaad odi Gichi Gimaa Anishinaabe Gabe Giizhig Gikino

Amaadiiwigwaaman digosinon zhiwe owi *McLean* Gichi Gimaa Anishinaabe Gabe Giizhig Gikino Amaadiiwigwaaman Dibamaadiwin Bezhigwendamowin. Woshme awii gikendaman owi *McLean* Gichi Gimaa Gabe Giizhig Gikino Amaadiiwigwaam Giizhiikigaadeg Bezhigwendamowin, miinwaa age zhibiigaadeg newen gikinomaage gamgoon e'digosing zhiwe giizhiikigaadeg mazinigan, zhaan odi: <https://indiandayschools.com/>.

Gabe Giizhig Gikinomaagaazijig agaa daawaad odi IRSan miinwaa age agaa zhaawaad Gichi Gimaa Anishinaabe Gabe Giizhig Gikono Amaadiiwigwaaman yaa-aabi miigsewog.

Gabe Giizhig Gikinomaagaazijig yaa-aabi adaa gagwedwena-aa dibagesemigag dibamaadiwin maanda giizhiikigaadeg, boochigo owa Gabe Giizhig Gikinomaagaazad age agii zhaad Gichi Gimaa Anishinaabe Gabe Giizhig Gikinomaage gamigoon maage agii adaa owi IRS, debinaag gwaa gaawii agii debinaziwaad dibagesemigag dibamaadiwin kina newen skoonwi baboon agii zhaawaad aawiwaad Gabe Giizhig Gikinomaagaazad owi *McLean* Gichi Gimaa Gabe Giizhig Gikona Amaadiiwigwaam Giizhiikigaadeg Bezhigwendamowin maage owi IRSSA.

Dibishko gonaa:

- Giishpin agii daawin zhiwe IRS onji, dibishko gonaa, 1960-1962 miinwaa agii debinaman CEP zhiwe IRSSA, miinwaa age agiizhaawin IRS onji, dibishko gonaa, 1964-64 aawiyin Gabe Giizhig Gikinomaagaazad, gdaa gagwedwe dibagesemigag Dibagewin agii aawiyin Gabe Giizhig agaa Gikinomaagaazad owi 1963-1964 miinwaa gnimaa gdaa miigse awii debinaman dibamaadiwin maanda Giizhiikigaadewin.
- Giishpin agii zhaawin odi Gichi Gimaa Anishinaabe Gabe Giizhig Gikinomaage gamig, dibishko gonaa, 1940-1945, dash gegwa agii zhaawin IRS aawiyin Gabe Giizhig agaa Gikinomaagaazad onji, dibishko gonaa 1946-1948, gnimaa yaa-aabi gdaa miigse owi dibamaadiwin maanda giizhiikigewin.

Bemaadizijig agaa Zaagijibiwidiziwaad

Aanind agaa Zhaabshkaajig maage Niijaansag agaa wenaamdawaad awii zaagijibiwidiziwaad (digoyaasiiwog) owi maamowi yaang dikonigewin jibwaa ekwaasemigag Baashkaakodin-giizis 30, 2015, gaawii digobiigaasiiwog zhiwe maamowi yaang dikonigewin miinwaa gaawii ada madookdaagaasiiwog owi Giizhiikigewin. Zaaam owi zhaazhigwa agii bamibideg ekwaasemigag, gaawii yaa-aabi gashkichigaadesino awii zaagijibiwidisang (digoyaasiiwog) owi maamowi yaang dikonigewin.

Giishpin agii daapinaman nisidwendaagwog awii zaagijibiwidiziwin maanda maamowi yaang dikonigewin, miinwaa age gdo miigse owi ezhi waawinjigaazad “agaa Zhaabshkaad” maage “Niijaanis” owi Giizhiikigewin gdo digoyaa.

Owi Shkonigan Maamowi Yaang

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

Owi Giizhiikigewin gaawii digoyaasiwog owi Shkonigan Maamowi Yaang Waajii-ejig. Gaawii maampii Giizhiikigewin ada madookdaagesino owi Shkonigan Maamowi Yaang Waajii-ejig Gagwedwewin, owi eni aabajibideg niigaan manjigwa owi maanda Giizhiikigewin.

OWI GIIZHIKIGEWIN

4. Wegnesh maanda Giizhiikigewin?

Owi Giizhiikigewin aawan onji Gabe Giizhig Gikinomaagaazijig (dibishko owi Zhaabshkaajig Maamowi Yaang Waajii-ejig) miinwaa ado niijaansiwinan (dibishkowi Niijaansiwaan Maamowi Yaajig Waajii-ejig). Maanda Giizhiikigewin digotemigadoon bamitaagewinan gewe neniish agaa Zhaabshkaajig Maamowi Yaang Waajii-ejig miinwii Niijaansiwaan Maamowi Yaang Waajii-ejig. Gabe Giizhig Gikinomaagaazijig (owi Agaa Zhaabshkaajig Maamowi Yaang Waajii-ejig) aawiwog e'skonwijig agaa zhaawaad IRS epiichi giizhigag goweta (dibishko gaawii agii nibaasiwog zhiwe epiichi dibikag).

Zhibiigaadenon IRSan agaa yaawaa-aad maage gnimaa agaa yaawaa-aad Gabe Giizhig Gikinomaagaazijig adaa makigaade ekwaawiing maanda Wiindamaagewin, (miinwaa waasamo-asabi mazina-igan odi <https://www.justicefordayscholars.com/schools-lists/>). Owi moshki zhibiigan niizhing daashkinigaadeg:

- Zhibiigan 1, owi e'digosing IRSan debwewenjigaadeg agii yaawaad Gabe Giizhig Gikinomaagaazijig; miinwaa
- Zhibiigan 2, owi e'digosing IRSan zhiwe gnimaa adaa agii yaawog Gabe Giizhig Gikinomaagizijig.

Gikinomaage gamgoon neniish gwa zhibiiganan digosinon zhinda Giizhiikigewin.

Owi moshkin Giizhiikigaadeg Bezhiwendamowin temgad odi:

www.justicefordayscholars.com/wp-content/uploads/2021/Gottfriedson-Settlement-Agreement-FINAL-Signatures-Added.pdf

Bamitaagewinan gewe Gabe Giizhig Gikinomaagaazijig Agaa Zhaabshkaajig Maamowi Yaang Waajii-ejig: Bebezhig \$10,000 Dibamaadiwin

Zhiwe newen naaknigewinan owi Giizhiikigaadeg, kina Gabe Giizhig Gikinomaagaazijig Zhaabshkaajig Maamowi Yaang Waajii-ejig agaa bimaadiziwaad Zaagibagaa-giizis 30, 2005 miinwaa agaa zhaajig owi ezhibiigaadeg IRS kina maage gmaaminig owi skooniwing biboon miigsewog owi \$10,000 dibamaadiwin. Owi gagwedwewin ada minwaabmjigaade giishpin:

- Agii zhichigaadeg owi apii maage jibwaa gagwedwewin ekwaasemigag Binaakwe-giizis 4, 2023 yaawong 21 giizison shkwaa nisaakising owi gagwedwewin zhichigewin Manidoo-giizis 4, 2022.
- Owa Agaa Zhaabshkaad Maamowi Yaang Waajii-ed agii bimaadizi Zaagibagaa-giizis 30, 2005; miinwaa

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan dayscholars@waddellphillips.ca

maage zhaan <http://www.justicefordayscholars.com/>

- Owa Agaa Zhaabshkaad Maamowi Yaang Waajii-ejig agii aawi Gabe Giizhig Gikinomaagaazad gnigen gwa gmaaminig maage kina owi gikinomaading biboon owi onji gaawii zhaazhiwa agii debinaziwaad: (i) Naasaab Agaa Zhiwebiziwaad Dibamaadiwin owi onji Anishinaabe Maamwidaang enji GikinomaadiiwiigwaamN Giizhiikigaadeg Dibamaadiwin, (ii) wegwen agwa dibamaadiwin onji *McLean* Gichi Gimaa Anishinaabe Gabe Giizhig Gikino Amaadiiwiigwaamanan Giizhaakinige Dibamaadiwin Bezhighwendamowin, maage (iii) wegwen agwa dibamaadiwin ngoji bkaan dibamaadiwin e'nowendaagwog owi enji kinomaading zhiwe *McLean* Dibamaadiwin e'zhibiigaadeg.

Manjigwa iidik minik bemaadizijig eyaawaad ada debinaanaa-aa Gabe Giizhig Gikinomaagaazijig dibamaadiwin.

Gaawii gego noonde dibagewin ada tesinon newen Gabe Giizhig Gikinomaagaazad Dibamaadiwinan. Kina menwaabmjigaazijig gegwedwejig ada debinaanaa'aa ngoding dibamaadiwin owi \$10,000, manjigwa minik owi Agaa Zhaabshkaad Waajii-ed agii aawid Gabe Giizhig Gikinomaagaazad.

Owi Dibiniweziwin maage inodewiziwinan gewe Agaa Zhaabshkaajig Maamowi Yaang Waajii-ejig

Newen owa Gabe Giizhig Agaa Gikinomaagaazad agii nibod Zagibagaa-giizis 30,2005, maage shkwaa maanda giizhigag, owi dibendaasowinan maage inodewiziwinan agaa nibod Agaa Zhaabshkaajig Maamowi Yaang Waajii-ejig nyaagdowendamjig maage inodewiziwinan ada gashkitonaa-aa awii zhitowaad gagwedwewin.

Woshme miziwebiiganan owi nikiiyaa dibendaasowin gagwedwewinan agezhi zhichigaadegiba tenoon zhiwe “Ada zhichigaadenon ana gagwedwewinan owa onji agaa nibod Agaa Zhaabshkaajig Maamowi Yaang Waajii-ejig?” bakebiigan maampii niisawiing.

Bamitaagewinan gewe Agaa Zhaabshkaajig Maamowi Yaang Waajii-ejig miinwaa Inodewiziwinan Maamowi Yaang Waajii-ejig: Gabe Giizhig Gikinomaagaazijig Aanjimaajigiwin Zhoonyaa

Owi Giizhiikigewin maajiishkaaton owi \$50 million Giizhig Gikinomaagaazijig Aanjimaajigiwin Wiji-ewin zhisijigaadeg owi bamitaagewin gewe Agaa Zhaabshkaajig Maamowi Yaang Waajii-ejig miinwaa Inodewiziwinan Maamowi Yaang Waajii-ejig.

Owi zhoonyaa ada nikaazam awii aasgaabiwichigaadeg nojimowin, mina yaawin, gikinomaadiwin, iniwewin, inaadiziwin, ondiziwin, miinwaa minadenjigewin, miinwaa ada bamiikigaade owi gaawii e'zhooniyaakesig Giizhig Gikinomaagaazijig Aanjimaajigiwin Wiji-ewin (“Aanjimaajigiwin Wiji-ewin”). Owi Aanjimaajigiwin Wiji-ewin Giizhaa Agaa Yaajig ada niigaanwidonaa-aa, miinwaa njike gaabiwiimidag owi Gaanada (eta gwa bezhig gnigen gewe naanan onaaknigejig Gaanada awaa naagmaad).

Owi Aanjimaajigiwin Wiji-ewin ada zhitonaa-aan miinwaa maajiishkaatonaa-aa zhichigewin age bagidinaad Agaa Zhaabshkaajig Maamowi Yaang Waajii-ejig miinwaa Inodewiziwinan Maamowi Yaang Waajii-ejig awii gagwedwewaad awii debinamiwaad zhoonyaa awii

aasgaabitamowaad nojimowin, mina yaawin, gikendaasowin, iniwewin, inaadiziwin, ondiziwin, miinwaa minadenjigewin nankiiwinan. Ada zhitonaa-aa owi nikiiyaa agezhi dibizhimowaad gagwedwewinan miinwaa miigweng zhoonyaa.

Bagidinigaadeg

Meshkodonigaadeg newen bamitaagewinan owi giizhiikigaadeg shpiming maampii debaachigaadeg, newen onashowe gagwedwewinan agaa niindaaweng gewe onji Agaa Zhaabshkaajig Maamowi Yaang Waajii-ejig miinwaa Inodewiziwinan Maamowi Yaang Waajii-ejig ada ekwaasemigad miinwaa Gaanada ada debinaan “bagidinigewin” owi mazinigewing kina gewe Agaa Zhaabshkaajig Maamowi Yaang Waajii-ejig miinwaa Inodewiziwinan Maamowi Yaang Waajii-ejig. Amii maanda edamomigag owi niigaan ani aawang:

- Gaawii gwaya Agaa Zhaabshkaajig Maamowi Yaang Waajii-ejig adaa dikonaasiin Gaanada gego maanzhi dodamowin maage binaajichigewin zaam onji agii zhaawaad aawiwaad Gabe Giizhig Gikonamaagaazijig wegwen gwa IRS.
- Gaawii gwaya Inodewiziwinan Maamowi Yaang Waajii-ejig adaa dikonaasiin Gaanada gego maanzhi dodamowin maage binaajichigewin agaa wiisgikaagiwaad zaam onji gitziimiwaan agii zhaawaad aawiwaad Gabe Giizhig Gikonamaagaazijig wegwen gwa IRS.

Owi miziwe bagidinigewin ezhibiigaadegin adaa makigaadenon aankobiiganan 42.01 miinwaa 43.01 owi Giizhiikigaadeg Dibamaadiwin Bezhiwendamowin. Aga bigosenimigo awii ginonad Maamowi Yaang Giigidonini giishpin yaaman gego gagwedwewinan newen bagidinigewin ezhibiigaadegin miinwaa owi edamomigag.

ZHITOONG GAGWEDWEWIN

5. Aaniish gewe Agaa Zhaabshkaajig Maamowi Yaang Waajii-ejig agezhi gagwedwewaad Gabe Giizhig Gikonamaagaazijig Dibagesemigag Dibamaadiwin?

Awii debinigaadeg Gabe Giizhig Gikonamaagaazijig Dibagesemigag Dibamaadiwin, owa Agaa Zhaabshkaajig Maamowi Yaang Waajii-ed aabdeg ada niindaawen Gagwedwe Moshkinebiigan odi owa Gagwedwewin Naagaanziitang jibwaa ekwaasemigag Gagwedwewin.

Debinamang Gagwedwe Moshkinebiiganan

Gagwedwe moshkinebiiganan naaknigaade awii maajii temgag Manidoo-giizis 4, 2022 neniish gwa waasamo-asabi mazina-igan miinwaa mazinigini awiin.

- Owi www.dayscholarsclaims.com www.dayscholarsclaims.com miinwaa adaa miziwe moshkinebiigaade_waasamo-asabi mazina-igan.
- Giishpin woshme nowaaj minendaman [mazinigini awiin](http://www.dayscholarsclaims.com) aga bigosenimigo awii ginonad Gagwedwewin Naagaanziitang (Deloitte) awii gagwedwewin mazinigina gagwedwe

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

moshkinebiiganan awii abi niindaagowin. Maamowi Yaang Waajii-ejig e'moshkinebiimowaad mazinigini moshkinebiiganan aabideg adaa niindaawenaa-aan mazinigan e-pangijibideg maage adaa nikaazanaa-aa Mazinatesing Mazinigan owa Gagwedwewin Naagaanziitang.

Makwendan newen Gagwedwe Moshkinebiiganan e'moshkinbiigaadeg waasamo-asabi biiwaabikonsing woshme ajina ada njitaamigadon awii bimiikigaadeg.

Aga bigosenimigo bezhig goweta awii niindaawewin Gagwedwe Moshkinebiigan. Niindaaweng niibna gagwedwe maziniganan gnimaa gnesh woshme adaa njitaamigad awii bimiikigaadeg.

Moshkinebiigaadeg Gagwedwe Moshkinebiiganan

Miziwe gikino wiindamaagewin owi nikiiyaa waazhi zhitowin gagwedwewin digosinon zhiwe Gagwedwewin Moshkinebiigewin.

Gegwedwejjig aabdek ada gikendaanaa-aa, jibwaa moshkinebiimowaad owi Gagwedwe Moshkinebiigan, owi IRS agaa zhaawaad aawiwaad Gabe Giizhig Gikinomaagaazijig miinwaa megwaach apii agaa skoniwaad aawiwaad Gabe Giizhig Gikinomaagaazad.

Bangii aasgaabiwitaage maziniganan dowendaagadon awii moshkinebiigaadeg owi Gagwedwe Moshkinebiigan.

- Newen gagwedwewinan e'nowendaagwog wegwen gwa IRSan zhiwe Zhibiigan 1 (IRSan age gekenjigaaziwaad_Gabe Giizhig Gikinomaagaazijig), gaawii gego aasgaabiwitaage maziniganan dowendaagisinon awii debwewendaagwog owa Gabe Giizhig Gikinomaagaazad agii skoniwid zhiwe woshme owi goweta gikendamowin zhiwe owi Gagwedwe Moshkinebiigan.
- Newen gagwedwewinan e'nowendaagwog wegwen gwa IRSan zhiwe Zhibiigan 2 (IRSan gnimaa agii yaawaad Gabe Giizhig Gikinomaagaazijig), gegwedwejjig aabdeg ada dowendaagoziwog awii miigwewaad mashkowi kidwin debwemigag agii aawiwaad Gabe Giizhig Gikinomaagaazad miinwaa windamaagewaad agaa daawaad owi apii agii skoniwiwaad owi IRS aawiwaad Gabe Giizhig Gikinomaagaazad.

Giishpin dowendaman naadmaagewin moshkinebiiman gagwedwe moshkinebiigan, aga bigosenimigo awii ginonad owa Gagwedwewin Naagaanziitang.

Owi mazinigan wiindamaagemigag owi moshkinebiigaadeg owi Gagwedwe Zhichigewin adaa makigaade odi Aankobiigan C owi Giizhiikigaadeg Bezhigwendamowin: www.justicefordayscholars.com/wp-content/uploads/2021/08/Schedule-C-Claims-Process-EN.pdf

Gagwedwewin Ekwaasemigag

Owi gagwedwewin ekwaasemigad Binaakwe-giizis 4, 2023, 11:59 p.m. Aabdeg gwii niindaawen gdo gagwedwe moshkinebiigan jibwaa Gagwedwewin Ekwaasemigag awii gagwekwendaagwog gdo gagwedwewin bimiikigaadeg.

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan dayscholars@waddellphillips.ca

maage zhaan <http://www.justicefordayscholars.com/>

6. Gagwedwewin ana adaa zhichigaadeg owa onji agaa nibod Agaa Zhaabshkaajig Maamowi Yaang Waajii-ed?

Newen owa Agaa Zhaabshkaajig Maamowi Yaang Waajii-ed agaa nibod Zagibagaa-giizis 30,2005, maage shkwaa maanda giizhigag, owi dibendaasowinan maage inodewiziwinan owa Agaa Zhaabshkaajig Maamowi Yaang Waajii-ed adaa gagwedwewog \$10,000 Gabe Giizhig Gikinomaagaazad Dibagesemigag Dibamaadiwin_owi niindaawewaad Dibiniweziwin Gagwedwe Moshkinebiigan owa Gagwedwewin Naagaanziitang.

Dibiniweziwin Gagwedwewin Moshkinebiiganan

Dibiniweziwin Gagwedwewin Moshkinebiiganan adaa moshkinebiigaadenon nikaazang owi waasamo-asabi mazina-igan moshkinebiigan adaa makigaade odi www.dayscholarsclaims.com.

Giishpin woshme nowaaj minendaman mazinigini awiin Dibiniweziwin Gagwedwewin Moshkinebiigan, aga bigosenimigo awii ginonad Gagwedwewin Naagaanziitang (Deloitte) awii gagwedwewin mazinigini gagwedwe moshkinebiiganan awii abi niindaagowin. Agaa moshkinebiigaadeg mazinigini moshkinebiiganan aabideg ada niindaawem mazinigan e-pangijibideg maage adaa nikaazanaa-aa mazinatesing mazinigan gagwek owa Gagwedwewin Naagaanziitang.

Moshkinebiiganan e'moshkinbiigaadeg waasamo-asabi biiwaabikonsing woshme ajina ada njitaamigadon awii bimiikigaadeg.

Wiindamaagewin owi nikiiyaa waazhi zhitowin gagwedwewin digosinon zhiwe Dibiniweziwin Gagwedwewin Moshkinebiigan.

Wegnesh Age Azhitopa Gagwedwewin miinwaa Woshme E'shpendaagwog Gagwedwewinan

Newen gagwedwewinan zhiwe owi dibiniweziwin yaawaad bemiikang, nyaagdowenjiged, e'penimandwind maage nendodaawed dibendaasowin (zaam bezhig agii waawinjigaaza ekwaa inendamowin, maage agaa nagimigaazad dibaaknige gamgong), owa bemaadizid adaa zhiton gagwedwewin owi onji dibendaasowin.

Giishpin gaawii yaasig dibiniweziwin bemiikang, nyaagdowenjiged, e'penimandwing maage nendodaawed dibendaasowin (zaam bezhig agii waawinjigaaza ekwaa inendamowin, maage agaa nagimigaazad dibaaknige gamgoong), owi woshme eshpendaagozid megsenjiged adaa zhiton gagwedwewin. Owi woshme e'shpendaagwog epiitaag gewe megsenjigejig naagijigaade owi swewokiin dibendaasowin newen gwayaa nibod bwaa yaang ekwaa inendamowin zhiwe *Indian Act*, miinwaa maanda eni zhibiigaadeg (onji memaanji shpaamigag apiinish memaanji dibasaag e'piitendaagwog.

- a. bemaadizid wiidigemaagan maage gete onashowe wiijiwaagan;
- b. binoojiinig;
- c. oshenin;
- d. gitziiman;
- e. odawemaawin
- f. odawemaawin ado binoojiiniman.

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

Zhiwe ayaad woshme bezhig megsenjiged owi naasaab e'piitendaagwozid epiitaag, gewe megsenjigejig aabdeg ada wenaabimaawaan bezhig megsenjiged awii zhitod gagwedwewin neniish awaad onji.

Mazinigan dibaachigaadeg owi kina Dibiniweziwin Gagwedwewinan Zhichigewin miinwaa epiitendaagwog gagwedwewinan adaa makigaade odi Aankobiigan D owi Giizhiikigaadeg Bezhiwendamowin: www.justicefordayscholars.com/wp-content/uploads/2021/08/Schedule-D-Estate-Claim-Process-EN.pdf

DIBIZHIGAADEG MIINWAA DIBAAKINIGAADEG GAGWEDWEWINAN

7. Wegnesh owa e'giizhendang endagwen ayaama debwemigag gagwedwewin?

Owa Gagwedwewin Naagaanziitang ado naangzhewin aawan awii bimiikang owi Gagwedwewin zhichigewin miinwaa awii giizhendang endagwen agaa niindaaweng gagwedwewin debwemigag.

Owa Gagwedwewin Naagaanziitang njike gaabiwi gewe giigidoniniwog gewe Maamowi Yaang Waajii-ejig minwaa gewe onji Gaanada. Debaakinige gamig agii nagimaan Deloitte awii aawiwaad Gagwedwewin Naagaanziitang.

8. Aaniish newen gagwedwewinan agezhi dabizhigaadeg?

Maanda eni zhibiigaadeg aawan eshichigeng awii dabizhigaadeg gagwedwewinan:

- (1) Owa Gegwedwed moshkinebii-aan owi Gagwedwewin Moshkinebiigan miinwaa/maage Dibiniweziwin Gagwedwewin Moshkinebiigan waasamo-asabi mazinigining maage niindaawen mazinigni moshkinebiigan (biiwaabikong mazinaatesjigan, mazinatesin mazinigan, maage mazinigan e-pangijibideg) odi owa Gagwedwewin Naagaanziitang;
- (2) Owa Gagwedwewin Naagaanziitang miinaan owa Gegwedwed debwewin agii debinang owi gagwedwewin, apii debinang.
- (3) Giishpin owi Gagwedwewin Moshkinebiigan maage Dibiniweziwin Gagwedwewin Moshkinebiigan tesinag gikendamowin, owa Gagwedwewin Naagaanziitang adaa windamowaan owa Gagwedwed miinwaa ada miinaan newen Gagwedwenid zhisewin awii miigwenid owi e'tesnag gikendamowin.
- (4) Owi agaa moshkinebiigaadeg Gagwedwewin Moshkinebiigan maage Dibiniweziwin Gagwedwewin Moshkinebiigan ada ani niindaawen odi Gaanada awii aanji gnowaabmdamwaad awii ndagikendamowaad giishpin gego gikendamowin maage maziniganan e'aasgaabiwitaagemigag maage aagonetaagemigag owi gagwedwewin agaa zhichigaadeg. Giishpin Gaanada gaawii yaaziwaad gego owi dnowaa gikendamowin, Gaanada ada niindaawen owi owa Gagwedwewin Naagaanziitang.

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

- (5) Owa Gagwedwewin Naagaanziitang dash ada giizhendami endagwen owi gagwedwewin miigsemigag awii dibagaadeg zhiwe owi Giizhendamiwin. Owa Gagwedwewin Naagaanziitang goweta ada aanwaamdaan owi gagwedwewin giishpin gego temigag debwemigag gikendamowin owi gagwedwewin gaawii miigsesinag.
- (6) Apii owi Gagwedwewin Moshkinebiigan maage Dibiniweziwin Gagwedwewin Moshkinebiigan minwaabmjigaadeg awii dibagaadeg, owa Gagwedwewin Naagaanziitang ada miigwen dibamaadiwin wewiib agwa ezhi gashkichigaadeg naagidoong newen dibamaadiwin zhichigewinan agaa zhisijigaadeg zhiwe Gagwedwewin Moshkinebiigan maage Dibiniweziwin Gagwedwewin Moshkinebiigan.

Kina gwa ani bimisemigag owi gagwedwe zhichigewin, owa Gagwedwewin Naagaanziitang dowendaagozi awii gagwekaadizid miinwaa mina debwewendamowin eta gwa giishpin temigag mikagewin e'aazhidemigag, miinwaa awii ndowaabmdang kina age makang kidwinan age debinang owi onji owa Gegwedwed.

9. Aaniish giishpin ndo gagwedwewin aanwaamjigaadeg/bagijiwebinigaadeg?

Maanda eni zhibiigaaged aawan zhichigewin newen e'aanwaamjigaadegin gagwedwewinan:

- (1) Giishpin gdo gagwedwewin aanwaamjigaadeg, owa Gagwedwewin Naagaanziitang aga niindaawig ezhibiigaadeg wiindamaagewin, maagwemigag weweni onji owi gagwedwewin aaganji bagijiwebinigaadeg.
- Gegwedwejig gaawii ado yaanziinaa-aa dibiniweziwin aawii aanji gnowaamjigaadeg giishpin ado gagwedwewinan bagijiwebinigaadeg zaam owa Gagwedwewin Naagaanziitang minwendang owi gagwedwewin nowendaagwog owi wiigwaam maage gikinomaage gamig gaawii etesinag zhiwe IRS e'zhibiigaadeg zhiwe Aankobiigan E owi Giizhiikigaadeg Bezhigwendamiwin, maage aawong owa onji bemaadizid aga nibod Zaagibaga-giizis 30, 2005 maage jibwaa owi apii.
 - Gegwedwejig adaa-aanaa-aa dibiniweziwin owi aanji gnowaamjigaadeg giishpin ado gagwedwewinan bagijiwebinigaadeg wegwen gwa iidik onji. Zhiwe owa Gegedwed ayaang dibiniweziwin awii aanji gnowaamjigaadeg, owa Gagwedwewin Naagaanziitang ada wiindamowaan owa gegwedwed ado dibiniweziwin awii aanji gnowaamjigaadeg miinwaa ado dibiniweziwin awii giigidotamaagwad owa Maamowi Yaang giigidonini gaawii gego nangidesinag owi dowendaagwog aanji gnowaamjigaadeg, miinwaa ada aankesidonan mazinaakziganan owi gego gikendamowin maage maziniginan agaa dibaamjigaadeg aawan e'digosing owi giizhendamiwin awii bagijiwebinigaadeg owi gagwedwewin.
- (2) Owa Maamowi Yaang Waajii-ed eyaang dibiniweziwin awii aanji gnowaamjigaadeg adaa gagwedwe Dibendizad Debaamjiged awii aanji gnowaamdang agaa aanwaamdang owa Gagwedwewin Naagaanziitang. Owa Dibendizad Debaamjiged waawiinjigaaza owi

Dibaakinige Gamig awii aani dibaamdang gagwedwewin agaa aanwaamidang owa Gagwedwewin Naagaanziitang.

- (3) Gegwedwejig nendowendamjig aanji gnowaamjigaadeg jibwaa owa Dibendizad Debaamjiged adaa wenaamdaan awii giigidotamowin gewe giigidoninwog owi Maamowi Yaang Waajii-ejig (Maamowi Yaang Giigidonini) gaawii gego nangidesinag wiinwaa, awii giigidotamadiziwaad, maage awii aangizhewaad miinwaa dibamowaad bkaan giigidoninwon e'wenaabimaa-aad. Owi digosing owi aanji gnowaamjigaadeg zhichigewin, Gegedwejig adaa miigwenaa-aa shki makigewin.
- (4) Owa Dibendizad Debaamjiged awii aani dibaamdang gagwedwewin dibaamidang e'zhibiigaadegin maziniginan owa Gegwedwed (maage ado giigidoninwon) miinwaa gego shki makigewin maagwed owa Gegwedwed.
- (5) Owa Dibendizad Debaamjiged ado giizhendamowin owi aanji gnowaamjigewin ada miigwen zhibiigan owa Gegedwed miinwaa Gaanada miinwaa ekwaawiiwon miinwaa dikobijigemigad.

GIIGIDONINWOG MAANDA DIBAACKNIGEWIN

10. Wenesh gewe giigidoninwog gewe Maamowi Yaang Waajii-ejig.

Gewe giigidoninwog gewe Maamowi Yaang Waajii-ejig zhinkaaziwog Maamowi Yaang e'Giigidotamaagejig. Gdaa ginonaa Maamowi Yaang e'Giigidotamaagejig odi:

Giigido biiwaabikong: 1-888-222-6845 (wenpash giigidowin)

Email: dayscholars@waddellphillips.ca

Maamowi Yaang Giigidonini maanda dibaakinigewin aawiwog:

John Kingman Phillips

Giigido biiwaabikong: (647) 261-4486

john@waddellphillips.ca

Peter R. Grant

Giigido biiwaabikong: (604) 886-4846

pgrant@grantnativelaw.com

Diane Soroka

Giigido biiwaabikong: (514) 939-3384

dhs@dsoroka.com

W. Cory Wanless

Giigido biiwaabikong: (647) 261-4486

cory@waddellphillips.ca

Otto Phillips

Giigido biiwaabikong: (289) 481-0425

otto@waddellphillips.ca

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

Gaawii gego nangidesno awii ginonind Maamowi Yaang Giigidonini owi onji Maamowi Yaang Dikonigewin maage owi Giizhiikigaadeg.

11. Aaniish agezhi dibamaagaaziwaad giigidoninwog?

Gaanada ada diba-aanan Maamowi Yaang giigidonini ado onashowe nangidaasowin miinwaa newen agaa azhi binaachigewaad gagwek agwa wiinwaa. Owa Dibaaknige Gamig agii giizhendami owi Enigindaasang Bezhigwendamowin zhisijigaadeg minik awaa diba-ang Gaanada newen onashowe nangdaasowin miinwaa binaajichigewin onishin miinwaa mina aawan. Onashowe nangdaasowin miinwaa binaajichigewin bkaan aawinon newen giizhiikigadeg bamitaagewinan miinwaa gaawii ada naazhinigaadesino maage madookdaagemigasno owi minik zhoonyaa gewe Agaa Zhaabshkaajig debinamwaa, maage owi Giizhig Gikinomaagaazijig Aanjimaajigiwin Zhoonyaa deinamiwaad, maanji gwa nikiiyaa. Newen onji miinwaa inaaknigewin minwaamjigaadeg newen onashowe naagdaasowinan adaa makigaadenon odi: <https://canlii.ca/t/jkg40>

WOSHME DEBINAMAN GIKENDAMOWIN

12. Aaniish agezhi debinamaa woshme gikendamowin owi Maamowi Yaang Dikonigewin maage owi Giizhiikigaadeg?

Maanda wiindamaagewin maandobiigaade owi Maamowi Yaang Dikonigewin miinwaa owi Giizhiikigaadeg. Owi miziwe giizhiikigaadeg bezhigwendamowin, owi dibaaknige gamig inaaknigewin minwaabmjigaadeg owi giizhiikigaadeg bezhigwendamowin, miinwaa age woshme zhibiigan miinwaa mazinginan, tenon odi <http://www.justicefordayscholars.com/> waasamo asabi masina-igan.

Giizhpin awii ginonad owa Maamowi Yaang Giigidonini owi onji Maamowi Yaang Dikonigewin miinwaa owi Giizhiikigaadeg, gda zhichige nikaazyin mazinigan e'pangijibideg, mazinesin mazinigan, giigido biiwaabikonsing, maage biiwaabikong mazinesin:

Waddell Phillips Professional Corporation
Att'n: Day Scholars Class Action
36 Toronto Street, Suite 1120
Toronto, ON M5C 2C5
Fax: 416-477-1657
Giigido biiwaabikong: 1-888-222-6845 (wenpash giigidowin)
dayscholars@waddellphillips.ca

Giishpin dowendaman mazinigni mazinaakizigan owi gagwedwe moshkinebiigan, dowendaman naadmaagewin moshkinebiiman gagwedwe moshkinebiigan, maage woshme dowendaman gikendamowin maanda maamowi yaang dikonigewin maage owi gagwedwewin zhichigewin, aga

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>

bigosenimigo awii ginowaabmdaman www.dayscholarsclaims.com maage ginosh owa
Gagwedwewin Naagaanziitang.

Deloitte:

Indian Residential School Day Scholars Claims Administrator c/o Deloitte

PO Box 7014

Toronto, ON, Canada M5C 0A9

Fax: 416-601-6101

Giigido biiwaabikong: 1-877-877-5786

Email: dayscholarsclaims@deloitte.ca

*Maanda wiindamaagewin agii minwaabmjigaade owa Gichi Gimaa Dibaaknige Gamig. Aawan
owi maandobiigan owi giizhiikigaadeg bezhigwendamowin. Giishpin miigaadsewin temigag owi
ezhibiigaadeg maanda wiindamaagewin miinwaa ezhi biigaadeg zhiwe giizhiikigaadeg
bezhigwendamowin, owi giizhiikigaadeg bezhigwendamowin ada ogimaakidaagemigad.*

GAGWEDWEWINAN? Giigidan 1-888-222-6845 (wenpash) maage waasamo biiwaabikong zhibiigan
dayscholars@waddellphillips.ca

maage zhaan <http://www.justicefordayscholars.com/>